

經世文綜

蘇淵雷卷

經世文綜

吳敬恆題

中華民國三十二年十月初版
中華民國三十三年四月三版（渝）

經世文綜全一冊

每部售價貳百肆拾元（外埠酌加運費）

編著者 蘇 淵 雷

出版者 黃 中 出 版 社

四川：北碚北平路卅二號

發行者 黃中出版社門市部

印刷者 京 華 印 書 館

重慶：打銅街二十七號

道不在遠 言為世法

三十二年正月十八日

實事求是 文章之則

一、全書共六大講。一、二、三、四、五、六。共一百五十一篇。天行文章。不出

二、三、四、五、六。共一百五十一篇。天行文章。不出

三、四、五、六。共一百五十一篇。天行文章。不出

陳布雷謹題



前言

二、近今學校，自專科以上，下至短期訓練班，例授應用文。主之者率就公文程式，逐類講解，或示以一二範例已耳；所重獨在格律之末，於從政之本，經國利民之旨，皆不之及。學者縱能熟諳法式，妙通關節；顧不明治體，不通政術，亦復何益？其有以自異夫普通胥吏者蓋鮮。

二、三十年秋，適在中央政治學校公務員訓練部普通科，講授應用文，曾本斯旨，妙選簡編，以供研讀。諸同學畢業後，分發各部會服務，三年以來，紛紛函請將原稿印行，藉資循覽。乃重加甄錄，附以題解；務期篇章組織，自成體要，執簡御繁，先立其大。

三、全書分六大編，一政理，二吏治，三教化，四地政，五國防，六應變。共一百五十一篇。天下之道，不出常變，知常而後能應變，語變乃所以顯常。動靜以時，其道光明。首末兩篇，意蓋在此。其他四篇，實攝管教養衛四門，全體起用，總別相關，讀者從此植基，庶可應物矣。

四、本書敍目初成，徧示通人，就中陳立夫部長太虛上人暨徐澄宇陳真如衛琛甫楊家駱諸先生，指示尤詳。衛楊兩先生復邀主其家，盡啓書藏，悉予披錄；故獲於付排前，重訂篇目，稍臻完備。此外，陳布雷先生寵賜題詞，黃竺如盧子英兩先生，於本書出版，助力尤宏，皆當感激勿忘者也。謹於卷首，一併誌謝！又並世作家，懼有挂漏，詳蒐博采，請俟異日。

三十二年五月十八日記於北泉公園

經世文綜敘目

凡學皆所以致用，非必別有經世之學也。凡文皆所以載道，非必別有經世之文也。自漢宋末流，或溺於章句，或轉爲空疏，自炫深博，以邀時寵。坐視宗國淪胥，生民塗炭，而不知所以匡濟之，則亦苟卿氏所謂禽犢者耳。雖當承平之世，榮利嬰心，一聞政事，略抒論議，又莫不影響疏舛，苛刻踴躍。談理不公，言事不實，積弊所致，未之或救。於是學者始奮起倡經世之學，爲經世之文矣。

莊子曰：春秋經世，先王之志。經世二字，始見於此。吾鄉宋平子先生廣之曰：

『夫古無所謂經學史學也。學者，學經世而已矣。理者經世之的，數與文者，經世之器，而經史諸子者，經世之師承也。世謂孔門分科以教，惟政事一科，爲學經世。嗚呼！始不然歟？宋衡曰：理者經世之的，德行則理學也，孔門莫不學，而顏閔諸氏所得最較深。數與文者，經世之器，言語政事則數學也；孔門莫不學，而宰、冉、言、卜諸氏所得最較深。彼顏閔諸氏，深於經世之理，而於數與文較淺；故不著書，不談道統，不問國政，彼蓋以大道既隱，天下爲家，無可談之道統，無可問之國政，著書徒勞，不如其已。枉尺如見南拜跖，寓志如春秋尚書，則又未能，故寂寂然，所謂至悲無聲者歟？宰冉諸氏，深於經世之數，而於理與文較淺；故弗能忍，而汲汲焉欲試其言語政事之長。言卜諸氏，深於經世之文，而於理與數較淺；故小大畢讀，孜孜窮志，功反在顏閔諸氏之上。然則四科何一非經世之學也歟？……劉漢以後，詆詆詞章爭據孔門之文學；李唐以後，治訓詁詞章而不若人之徒，或乃悍然自居於孔門之德行，以傲朋儕，於是縱橫家遂敢妄附孔門之言語，法家遂敢妄附孔門之政事，而孔門經世之三學，於是乎幾絕矣。』（宋衡經世報敍）

此論經世三學，及其相互關係詳已。若同執經世一宗，以與訓詁詞章，爭持牛耳，較一日之短長者，則昧於經世之旨矣。

經世之學，前有永嘉，後有顏李，皆內聖外王，切問近思之學，莫不以經國利民爲志。宋氏又曰：

「永嘉故學，志在三代。今取士切實，去唐宋何遠，提倡實學，視鮮鄭陳等時，難殆萬倍。……浙學故重史，而永嘉爲最。蓋自安史大亂，迄於五季，中原陸沉，學士南徙。於是長安洛陽文獻之傳，漸移於吳蜀。錢氏雖不科舉，而亦設崇儒院；及趙氏攻克金陵成都，文獻之傳復移於汴，而浙獨以納士，依然全盛。及宋南徙，汴中文獻之傳，遂移於浙。故南宋浙學，雖分數派，然皆根據文獻之傳，絕異於閩學之虛矯；而永嘉諸先生，尤能上下古今，自抒偉論，故當其時，浙學諸派，皆爲閩黨所攻，而永嘉被攻尤甚。自元滅金宋，悉廢諸科，專尊閩學，然其下陷安也，以呂文煥之請，焚殺之度大減，非若昔之蕭條萬里，人烟幾絕。故數千年文獻之傳，仍恃吾浙。」（宋衡外舅孫止庵學行略述）

浙學重史，而永嘉爲最。姚江雖輕史，亦貴事上磨鍊，厥後梨洲崛起浙東，數傳而至章實齋，乃集浙東學派之大成，所謂天人性命之學，不可以空言譁，言性命者必究於史也。清季瑞安孫氏葉田琴西兄弟，提倡薛鄭陳葉之學，校刻永嘉叢書，浙學漸興；宋氏復從而和之，一時如陳介石輩，咸以文史之學鳴於時，講學南北，所成就爲多。於是世人始復知有永嘉之學矣。

顏李上規周禮，抑亦永嘉之遺風。習齋嘗謂：若天不廢予，將以七字富天下：墾荒、均田、興水利，以六字強天下：人皆兵、官皆將；以九字安天下：舉人才、正大經、興禮樂。（年譜與張文升語）其經世之志，實學、實習、實用之精神，足見一斑。此與永嘉，雖同重功利，要在匡君宥民，扶危濟難，非若法家之壹於急功近名，以首級論賞，以酷刻樹威，肥己而瘦天下，萬夫爲柔一夫剛者也。

世稱諸葛公論治主法家，雖時勢所趨，亦有不盡然者。漢承秦敝，與民更始，法三章而天下定，其後文景之世，雜用黃老，與民無競，而國以富強。漢季鼎沸，曹操以權臣當國，雜譎詭之術，無復東京氣節之尚。華歆賈翊輩出，政治之德操掃地矣。武侯雖參用法家，然通於經術，一歸治平。王通曰：武侯不死，禮樂其有興乎，殆知之深者歟？陳壽稱其治蜀，刑政雖峻，而無怨者，以其用心平而勸戒明也。

詩曰：爲民不利，如云不克。彼法家之政事，非治民也；將以克民也。夫以克民爲經世之學，則有悖孔氏修己安人之教，斯又失之毫釐，謬以千里，不得不先爲之辨正者也。

爲政有本，本立道生。孔言德治，譬衆星之拱北辰，孟倡仁政，治天下者運諸掌。老貴無爲，莊曰在宥，墨家稱神禹，荀卿法後王。管子牧民，首重四維；韓非治國，先去五蠹。董生天人三策，明道而正誼；賈傅政事一疏，長治以久安。魏徵十漸，仲淹十事，蘇軾萬言，陳亮五論，綜覈治體，皆有特識。近如國父早歲之上書，章氏檢論之通法，揚權今古，期於至善，抑又審固根抵革易時弊者矣。選「政理」第一：

論語爲政各章選錄

孟子齊桓晉文之事章

老子節錄

莊子節錄

禮運大同小康章

大學節錄

中庸哀公問政章

墨子兼愛篇

荀子富國篇

管子牧民篇

韓非五蠹篇

呂氏春秋貴公篇

董仲舒對賢良策三首

賈誼陳政事疏

說苑政理十六則

鹽鐵論本議篇

潛夫論務本篇

諸葛亮前出師表

魏徵論時政疏二首

貞觀政要論君道三則

貞觀政要論政體八則

范仲淹答手詔條陳十事

蘇軾上神宗皇帝書

陳亮中興五論

陳傅良吏部員外郎初對劄子三首

明夷待訪錄原君

明夷待訪錄原臣

宋論恭宗端宗祥興帝首節

孫嘉淦三習一弊疏

曾國藩應詔陳言摺

國父上李鴻章書

檢論通法篇

吏治以得人爲先，守土以安民爲本。賢良方正，孝弟力田，題目不同，選賢則一。東京以來，說尚州評，

清議輿論，一時稱盛。自魏武下令，「人惟才學」，而氣節薄，晉立九品，尊重門閥，而下達難。科舉制興，人才始陋。醫科官爵，不堪問矣。

自來善政，尚德緩刑。漢有廢刑之議，唐有縱囚之事，雖同異殊科，亦千古之美談也。善哉史選之序酷吏，班固之尚循良，范曄之傳黨錮，于寶之論晉紀，閔謙孤憤，寄慨百世。至曾鞏記趙公叔炎之法，朱子述金華社倉之制，陽明鄉約之遺規，文忠禁烟之法令，皆效美於當時，德被於萬代，今日從政之士，所當借鏡者也。若宋平子民瘼之篇，則尤切近時事，厥弊今猶未殺者矣。選「吏治」第二：

荀子禮論篇

潛夫論考績篇

二十二史劄記賢良方正茂材直言篇

二十二史劄記三老孝悌力田篇

二十二史劄記九品中正篇

日知錄吏胥篇

日知錄法制篇

日知錄選補篇

日知錄銓選之害篇

日知錄人材篇

日知錄保舉篇

日知錄清議篇

漢文帝除肉刑詔

歐陽修縱囚論

史記酷吏列傳序附論

漢書循吏傳

後漢書黨錮列傳序

晉紀總論

二十二史劄記宋初嚴懲驢吏

二十二史劄記明鄉官虐民之害

曾鞏越州趙公救苗記

朱熹婺州金華縣社倉記

王守仁南贛鄉約

王守仁申諭十家牌法

林則徐議嚴禁鴉片章程摺

卑議民瘼篇

政學相須，則知類通達。修齊治平，實始乎格致。庠序之制，昔人備矣，禮有學記，荀標勸學。緯帳之風，河汾之化，經師人師，代不乏人。昌黎有解惑傳道之師說，安定立經義治事之學制。鹿洞成規，鵝湖論難，橫渠兩銘，陽明三字。莫不砥俗訂頑，蔚爲風氣；實學人之鵠的，亦教化之鴻基。輒近科舉廢除，學制與革，尤多宏議，足示周行。選「教化」第三：

禮記學記

荀子勸學篇

顏氏家訓勉學篇

韓愈師說

宋元學案安定學案節錄

程頤顏子所好何學論

張載西銘東銘

朱熹白鹿書院學規

陸九淵白鹿書院講義

真德秀大學衍義序

王守仁拔本塞源論

日知錄歷代風俗篇

日知錄名教篇

日知錄廉恥篇

顏元學辨

文史通義浙東學術

校邠廬抗議採西學議

馬建忠擬設繙譯書院議

李瑞藻請推廣學校疏

嚴復論八股存亡之關係

蔡元培新教育意見

古有恆言，民爲邦本，食爲民天。是以洪範八政，以食爲首，孔子言治，足食足兵。李愷盡地力，商君急農戰。孟子謂仁政必自經界始，醉心井田之制，爲後世論者所宗焉。漢時兼併日甚，民不聊生，於是晁錯論貴粟，仲舒主限田。巨君變法，首頒王田之令；北魏李文，因李安世之請，始下均田之詔，井田美法乃得實現。

自安史之亂，版籍失實，均田制度既壞，而與之相輔之租庸調法，復多窒礙，於是楊炎始創兩稅法。以敵定稅，歛以夏秋，蓋已平除按戶征租，高蔭免課之弊；而陸贄深非之，鄭樵馬端臨輩，各有從違。宋行青苗、免役、方田諸法，亦利弊互見。國父晚出，倡平均地權之策，則又拔本塞源，可以一勞永逸者也。至河渠水利之興，亦地政之大端，因以附焉。選「地政」第四：

孟子滕文公問爲國章

管子乘馬篇陰陽章

商君書農戰

史記平準書

漢書食貨志節錄

晁錯論貴粟疏

董仲舒限民名田奏

新莽制王田令

李安世請均田疏

魏書孝文帝太和九年詔

天寶十一載十一月乙丑詔

新唐書楊炎傳節錄

陸贄奏請改革財政之害六事錄二

通志食貨略賦稅條節錄

文獻通考卷三節錄

朱熹開阡陌辨

國父平均地權與耕者有其田

賈讓治河議

曾鞏序越州蠶湖圖

日知錄水利篇

日知錄河渠篇

春秋大防，無過夷夏。王道安民，霸道保族。孔與微管之歎，孟發羞霸之論，立義本殊，未可一概。蠻夷猾夏，常爲世患。攻守異勢，和戎異議，欲求致勝，首貴籌邊。若荀子議兵，晁錯上書，趙充國之議屯田，張騫班超之遠略，皆卓立千古。唐有陸贄守備之狀，宋有李綱中興之策，水心一劄，陽明一疏，莫不詳明扼要，切合時勢。下至鴉片興役，法越構兵，李鴻章和議之是非，劉永福奮鬪之始末，梁任公歐戰之史評，蔣百里國防之偉論，凡斯數者，皆有闡歷史之趨勢，實繫吾族之運命，察往彰來，未可忽諸。若乃田疇之躬耕黽北，延平之經營海疆，聚衆生財，復仇雪恥，其風烈尤足以奮百世矣。選「國防」第五：

孫子節錄

荀子議兵篇

晁錯言兵事書

趙充國屯田奏三首

漢書西域傳贊

漢書張騫傳

後漢書班超傳

三國魏志田疇傳

陸贄論緣邊守備事宜狀

李綱請立志以成中興疏

李綱答詔問攻戰守備措置綏懷之方

葉適上孝宗皇帝劄子

王守仁陳言邊務疏

明史記事本末沿海倭亂繫論

史可法請頒討賊詔書疏

黃宗羲賜姓始末

林則徐密陳夷情不能歇手片

左宗棠應詔籌新疆全局疏

劉永福諭黑旗將士檄

李鴻章奏報馬關簽約經過摺

彭玉麟力爭和議片

唐景崧台灣民主國成立布告

梁啟超歐洲戰役史論導言

蔣方震從歷史上解釋國防經濟學之基本原則

讀史方輿記要總序

江南方輿記要序

四川方輿記要序

宣統方輿記要序

陝西方輿記要序

窮變通久，損益因時，變法之義，由來尙矣。夏忠殷質，郁郁周文，盛業日新，何常之有？姬嬴之際，社會大變，執斯乘之霸秦；西漢末年，巨君有作，法令彰而實效虛，天下亂矣。至宋而荆公當國，倡新法以圖富強。新舊黨爭，毀譽參半而厥功卒鮮。清季洪楊起義，戊戌政變，時機所制，未顯弘議。至國父截斷衆流，昌言革命，辛亥功成，而民主之局關矣。歷代變法，莫不以興利剔弊，匡君有民爲依歸，而卒鮮功効者，豈非以百姓易輿樂成，難與慮始故耶？然主之者驟，挽之者力，內外未孚，新舊不協，要亦一因。易曰：澤中有火，革。莊生亦曰：水中有火，乃焚大槐。變革之際，天人之故，亦難言哉。堯前懲後，采善於人，不以成敗論人，今古相譏可耳。選「應變」第六：

周易革鼎二卦

孟子節錄

史記商君列傳

戰國策趙武靈王胡服騎射

漢書王莽傳節錄

武則天改元光宅敕文

宋史王安石傳

司馬光應詔言朝政闕失狀

韓琦論青苗

顏元宋史評節錄

宋濂論中原檄

錢江上天王策

張之洞上海強學會序

宋衡上合肥李使相書

康有爲應詔統籌全局疏

章炳麟討滿州檄

嚴復原強

國父民報發刊詞

國父中華民國臨時大總統就職宣言

梁啓超異哉所謂國體問題者

國父中國之革命

特載中國的命運與世界的前途

上這六章，大抵所謂人史之文，代不數人，人不數篇者也。居官作吏，固宜奉爲圭臬；卽我國民，亦應人手一編，不時省覽，可以知國計民生之大原，古今政俗之得失矣。王生有言，爲政不在多言，願在力行何如耳！九泉有知，視予茲編，未知何言；儒亦相視而笑，莫逆於心者歟？

三十年七月平陽蘇淵雷銑於巴之南泉